



**Clara Et Praeclara Methodus Parandæ Eloquentiæ,
Secundùm Doctrinam & Præcepta Cypriani Soarii è
Societate Jesu, Ad Captum Et Praxim Faciliorem
Accommodata**

Worpitz, Georg

Coloniæ Agrippinæ, 1700

§. II. Triplex Monitum.

[urn:nbn:de:hbz:466:1-68908](https://nbn-resolving.de/urn:nbn:de:hbz:466:1-68908)

Oratione sic effaretur.

Major. Multa sunt, quæ alios audaces faciunt, atqæ ad implorandam beneficam opem, accendunt animos; nullus tamen certiore spe gratiam aucupatur quam ejusdem experimentis provocatus. *Minor.* Is ego sum profecto, qui me tum præsidii tuæ beneficiæ, tum parentiæ auxiliis auctum, non modò memoriâ, verùm maximè beneficiorum usu experior. *Conclusio :* quidni igitur, non mœdum dignitatis, aut meriti, sed tuæ gratiæ beneficentissimæ consilio fretus, præsenti necessitati opem implorem? quidni de optimo, optima sperem? hic portus diu jactatæ spei esto, quam non dubiè firmabis, si in casu N. consilio tuo (vel auxilio subveneris,) gratum beneficiorumque memorem, dum vixero experturus.

§. II. Triplex monitum.

I. Ne nimium scholare artificium redoleat oratio; cavendum, nè Major ducatur à vocibus: Quicunque, quisquis, unusquisque &c. quod ut fiat, observamajorem occultius à prædicato, quam subjecto deduci v.g. in hac sententia: quicunque est liberalis est laudandus: *liberalis* est subjectum, *laudandus* prædicatum: ab hoc melius ordieris hoc modo: Ea quidem est omnis virtutis dignitas, quæ jure optimo lau-

Iaudis & venerationis cultum exigit ; nullo tamen id potiore merito vendicat sibi, quam grata mortalibus & superis liberalitas. Posunt etiam eleganter propositiones universales per modum sententiæ effterri. v.g. adolescentis castus est Superis gratissimus. Sic melius absolutè per definitionem: Divus odor, divinarum mentium amor, superum tenerimæ delitiæ , est ab omni obscenitate remota mens. &c.

II. Nè siccus , ruditque sit hic eloquendi modus, excolitar & dilatatur , per adjunctas partibus singulis probationes, probationum confirmationes per allata similia & exempla, symbola & antiquitates, ac id genus orationum ornamenta, cuius exemplum h̄ic darem, n̄ longior forem.

III. Quia salutationes, gratulationes, nuptiales, funebres & similes orationes , certis quibusdam gaudent affectibus , si forte via syllogismi ad exprimendos eos non deducamur, conclusionis locum aptè subire poterunt, aut post conclusionem ponit utriusque modi exemplum cape. Questio, an amico sit valedicendum ? argumentum, quia sum amicus. syllogismus. Amicus debet amico valedicere, sed ego sum tuus amicus , ergo debeatibi valedicere.

Oratorie sic tractabitur.

Major. Humanitatem quotquot coluere homines, nō amant è patre se aliorum conferre

ferre solo, quin abi: ūs sui certiorem reddant,
verbo etiam ultimūm alloquantur cum, qui-
cum iis dulcissima vitæ consuetudo , com-
merciūmque intercessit. Rationi quippe dif-
forme censerur, ejus te postremō nolle frui
conspectu , cuius præsentiam quotidie am-
plexus es, aut in votis saltē gerere consue-
veras. *Minor.* Quid agere igitur me addece-
bat, Carole dulcissime, quando, fatis ita vo-
lentibus, mihi deterendus es ? an à te nec su-
premo dicto vale discederē? an te nec disces-
sus mei facerem certiorein? inhum anum hoc
ac barbarum, multò verò magis in amicitiæ
nostræ leges graviter prævaricatum. Is enim
tu mihi semper fuisti, quō inter mortales ne-
mo charior, cuius non solum præsentia, at-
que aspectus intima præcordiorum excita-
bat ad amicitiam, sed etiam absentia dul-
cissimam refricabat memoriam; tecum agere,
mihi voluptas, tuo gaudere conspectu , deli-
ciæ; tuo frui alloquo ambrosia, te complecti
nectar fuit divinissimum. *Conclusio.* Atque
hinc est, quod non eā mentis alacritate (quā
fortassis tortem oporteret) patriā excedam:
quod à te, te, inquam, amicissimo mihi recede-
re quoque cogar: ô quanto mihi hoc dolori
est, intime meorum Carole! quām amara hæc
à te mihi separatio accidit ! non abire, sed
vi divelli mihi videor à te, qui cordis mei
dimidium , atque *alter ego*, semper extixisti.
Noli proinde metuere, ne quando tui me ca-
piat oblivio : erit, erit profectò ir fixa men-
ti meæ altissimè amoris tui recordatio, ubi,
ubi,

ubi, me degere, ac spirare sors dederit; nece-
nim possum imaginem tui ab animo meo de-
ponere, quæ tam fixè pectori meo estim-
pressa.

Alierius modi exemplum sit hoc: gratulatu-
rus alicui felicem Natalem, facta quæstione
& inventa ratione, formetur hic syllogis-
mus,

Major. Dies festi, non animo tantùm, sed
& voce sunt colendi. *Minor:* sed dies hic est
festus Tutelaris Divi. *Conclus:* Ergo non
animo tantùm sed & voce calendus. Hic cùm
conclusio sit manifesta, breviter poni potest,
indè aggratulatio cum aliis affectibus adjun-
gi. v.g.

Major. Debetur hoc publicæ dierum a-
mœnitati, quos aut illustrius ornavit gloriæ
decus, aut sanctioribus serenavit lux cælestis
sideribus, ut non animis tantummodo eorū
applaudamus festivitati, verùm vocis ac gra-
tulationis studio conceptā proponamus hi-
laritatem. *Minor.* Illuxit revera hodierna die
auspicatus D. Tutelaris tui dies, dies, inquam,
nobis ac tibi optatissimus, & non humano-
tantùm, verùm etiam cœlesti cultu prose-
quendus. *Conclusio.* Prodire igitur in vultum
debet animu s; effundet in plausum sincera
gaudia; exundare in gratulationes devotatæ
in columitati, lætitiae, felicitati vota. *Affectus.*
Et verò emanant, effundunt utque, atque
hanc gratulationem, non verbis, sed gaudiis
compositam eâ tibi ratione deferunt, ut
cùm præsentem gratulantur felicitatem, se-

cutur

cuturam pari affectu voveant. Sit anni clausula dies hic, simulque sit plurimum, elapsu huic similiūm, atque adeo fortunatorum exordium. Vive donec serus ætate, atque meritis ad natale solum natalis diei transferaris.

§. III. Syllogismus perturbatus & inversus.

Nè artificium syllogismi advertatur ab Auditoribus & pariat satietatem, idem modus argumenti formandi, misceatur in deductione partium ut priùs tractetur Minor, postea Major, vel si conclusio est præmissa majori, rursus repetatur, aut ejus loco affectus materiae convenientes subjungātur. Sic gratulaturus felicem ex publica convocatione, viro illustri redditum, talem formo syllogismum. *Major.* Qui re publicā bene gestā redit, ei redditum gratulari debemus: *Minor.* Sed tu redis &c. *Concl.* ergò tibi est gratulandum. Conclusioni affectus subjungi possunt. Initium duci potest à Minore v.g. Quāto gaudio, quantā lētitia nos afficiat universos, optatissimus redditus tuus ex amplissimo regni (Reip.) conventu, dicere scitis non valeo, nec mente concipere: reverteris enim non solū salvus & in columnis, tibi tuisque sed & rebus ad regni emolumentum, ad populorum commodum, ad nominis tui gloriam faustè feliciterq; gestis, namq; &c. *Conclusio* quoq; non raro primum locum occupat, cui assumptio vel propositio cū suis confirmationibus, vel absque illis subjiciuntur:

in fine